

BODRAP ZINIS #3

01.2008.

Sveicīns 2008!


Lobys Tsuoktys lītys juoturpyno! :) Nu tod ari itymā godā ik pa laikam sajimsi kaidu zini i jaunumus nu Borowa Mc pusis! BODRAP byus ar Tevi ari 2008tā!
E!

BOROWYS MC 2007tais

Atejūt jaunam godam, eistīs laiks atsavērt iz aizguojušū. 2007. godu Borowys Mc i personeigā dzievē komentej grupys puiši:

Aigars: Juoatzeist, ka paguojušā godā tik daudz kas nūtyka! Naticīs, ka tam vysam pītyka 365 dīnu! Par personeigu dzeivi - priks i gandariejums par augstajim rezultatim studejuos, priks par sovu veikumu radio SWH vijņūs i LTV7 ekranā; priks par jaukajim mirklim kūpa ar Agnesi i draugim. Priks par vysim mozajim ikdīnys prīcenim, kurus beja īspeija saskateit i prīcuotīs. Par grupu runojūt: paguojušā godā satykom Leilu, izdevam ūtru albumu, sajiemom vairuokys nūzeimeigys bolvys kai Zalta disks, Bezgaleibys bolva, uzfilmejom aizraujūšu video i pots golvonais - myusu fani i draugi beja kūpa ar myusim i aktivi dzeivova leidza daudzim nūzeimeigim breižim i nūtykumim! Paļdis!!!

Ingars: Beja lobuok nakai gaidieju i nikod tai vairs nabyus: svareiguokais nūtykums - pīdzyma dāls Mareks, izdevom ūtrū albumu, aizstuoveju doktora disertaceju, klivu par docentu.



Borowa Mc "Puseite" SEB Muzikalajā bankā jeb stuosts par draudzeibu i ticeibu



Puseite prīcys, puseite cereibu i puseite ticeibys? Nui, vīnā puseitē sirds, bet ūtrā vysa tik pot daudz!

Taišni ar taidu dzīsmi - "Puseite", kas topuse sadarbeibā ar dzīduotuoju Zani Dombrovsku, grupa "Borowa MC" itymā godā starte j Latvejis Radio 2 reikuotajā dzīsmu aptaujā "SEB Muzikalā banka". Īprīškejū reizi debeja ar vysksaistuokū dzīsmi atnese uzvarātuojū laurus. Kai byus itymā? Zynoms, ka grupa tikuse aptaujis 15 finalistu vydā, bet bolsuošona par finala vītu sadaliejumu turpynuos leidz pot 20.janvaram! Nūbolsuot vari:

- Syutūt eiszini ar kodu: MB 107 iz numeri 159 (moksa par eiszini 0,15 Ls)
- Bolsojūt sātys lopā www.muzikalabanka.lv

Grupa soka lelu PAĻDIS sovim atbalsteituojim, fanim i draugim par atbolstu i car iz kūpeigu ticeibu "Puseitis" i vysa latgaliskuo spēkam ari itymā sacenseibā!
Sasateikom pavysam dreiz – 26.janvārī Ventspilī voi pi TV ekranim i radio aparatim!

PS Suocīs ari draudzeigīs Muzykaluos Bankys bolsuojums portalā www.draugiem.lv. I deļ kuo gan dzīsmē par draudzeibu navarātu kliut par tū draudzeiguokū? ;)
<http://www.draugiem.lv/special/smb/?selectedTab=8>

Zynom ci nā? Eksperiments.

Kū i kai zynom par cylvākim, ar kurim bīžai asom rādā? Itymā reizē eksperiments – kai grupys daleibnīki pazeist vīns ūtru. Kotram beja juoatbīd iz vīnkuoršim, kasdīnys vaicuojumim par sevi i par puorejim. Kas saguoja? Nu tai:



1. Meiluoquo kruosa.

- **Par Leilu.** Ingars dūmoj, ka Leilys meiluoquo kruosa ir bryuna, bet Aigars, ka zyła voi zaļa (kaidūs tūņūs), bet izaruodīs, kai Leilai vysu lobuok pateik violeta kruosa! :)
- **Par Aigaru.** Ingars dūmoj, ka Aigaram pateik zyła, bet Leila, ka gaiša (bolta ci krēmveideiga), bet izaruodīs, ka eistuo atbīdē byus: ašņa sorkona!
- **Par Ingaru.** Leila i Aigars vīnnūzeimeigai atbīd, ka Ingara meiluoquo kruosa ir malna, bet eisteneibā tei ir ... zaļa! :)

2. Veiksmeiguokais skaitlis.

- **Par Leilu.** Aigara variants – 8, Ingara – 3, bet pošai jai gon veiksmi nas 7!
- **Par Aigaru.** Ingara variants – 1, Leilys – 8 , bet Aigars pots gon uzskota, ka jam veiksmi nas 7 i 13.
- **Par Ingaru.** Leilys variants – 13, Aigara – 4, bet Ingaram veiksmeiguokais ari kai izaruodīs ir 7!

Nu tod beigu beiguos saguoja, ka vysim vīnnūzeimeigai veiksmeiguokais skaitlis ir tys pots laimeigais 7!!!

3. Ocu kruosa.

- **Par Leilu.** Īzavārušs Leilys acuos, puiši tī ūraudzejušs bryunu kruosu i nazaklaida!
- **Par Aigaru.** Leila Aigaram redziejuse zilganzalis acs, bet Ingars palākys. Nu tod zynuošonai – Aigara ocu kruosa ir zyli palāka!
- **Par Ingaru.** Aigars ir redziejs tik viņ malnys saulis brillis, bet Leila pasamaniejus ūraudzeit zyļpalākys acs i jai gondreiz taisneiba. Ingara ocu kruosa ir palāka.

4. Meiluoķis / vysu bīžuok lītuotīs teicīns.

- **Par Leilu.** Aigaram nikas tipisks nu Leilys teicīnim nav palics pruoṭā, bet Ingars vysu bīžuok ir dzierdiejs: vyss tak ir labi! Leila pošā gon vysu bīžuok vīnkuorši smejuos: Ha, Ha, Ha! :)
- **Par Aigaru.** Ingars vysu bīžuok pamanejs, ka Aigaram pateik saceit: „Yo! Peace”, bet Leila – „Aizīt”, bet pošam Aigaram ruodīs, ka jam vys tik meiluoķis / vysu bīžuok lītuotīs teicīns ir: „Nūžāluojami...”
- **Par Ingaru.** Leila palics pruoṭā, ka Ingaram pateik saceit: „Da pašol tu...” (bet taidā cīš meilā izteiksmī :) , bet Aigaram – „Betmen, ja tu zynuotu, cik maņ švaki!” Pots Ingars gon vysu vaira ļubej saceit: „Normāli”

5. Garšoj:

- **Par Leilu.** Aigara variants: mineraliudins, bet Ingara – reisi. Bet izaruodīs, ka jai vys tik vysu meiluoquo ir rudzu maizeite!
- **Par Aigaru.** Leila soka, ka juos tāva šašliks, bet Ingars, ka buļvys i gaļa i var saceit, ka nasaklaida. Aigaram garšoj meiceiti kartupeli.
- **Par Ingaru.** Leila palīk pi varianta par juos tāva gordū šašliku, bet Aigars dūmoj, ka Ingaram garšoj hotdogi i hamburgeri. Ingars gon atsazeist, ka jam garšoj buļvu blīni.

6. Nagaršoj

- **Par Leilu.** Aigara variants: arbuzi? Ingara – seipuli, bet kas tod eisti tys ir, nav zynoms :)
- **Par Aigaru.** Ingars dūmoj, ka tī ir brokoli, Leila sovu variantu naz izsaciejus, bet Aigars pots soka, ka ād vysu, bet niu drupeit aizdūmeiguok veruos iz cepelinim (lītaunīku nacionalū iedīni), deļ tuo, ka gadejuos sasaindeit.
- **Par Ingaru.** Aigars dūmoj, ka Ingars tož ād vysu, bet eisteneibā jam nagaršoj pučukuopusti.

7. Bierneibā gribieja kliut par...

- **Par Leilu.** Ingara variants, ka Leila gribieja kliut par dzīduotuoju, bet Aigara, ka par školuoju. Iزارuodīs, ka Leila gribieja kliut par komponisti.

- **Par Aigaru.** Leilys variants – par pērļu zvejnieku, bet nasaklaida Ingars sokūt, ka Aigars gribēja kļūt par prezidentu. Tai arī ir, tik veļ vīna gribēšona beja iz kosmonauta pusi! :)
- **Par Ingaru.** Leila dūmoj, ka Ingars gribēja kļūt par kosmonautu, bet Aigars – ka gon jau par policistu voi guņsziesēju. Bet izaruodīs, ka Ingara sapyns beja mežsorga profesēja!

Nu tai – tāņ par grupys daleibņikim Tev vādzātu zynuot veļ vaira lītu! :)

Mīlesteiba. Laime. Energeja. Leila.

Suokūt jaunu godu varātu kū ni vaira dazynuot par grupys daleibņikim. Pyrmīs sūjš ar eksperimentu tika izdareits, niu ūtrs. *BODRAP zinīs (Bz)* pīduovuoj drupeit vaira īpazeit grupys solisti – Leilu.

Bz: Leila, kai Tu raksturuotu sevi ar 3 vuordim?

L: Es asu Mīlesteiba, Laime i Energeja.

Bz: Kū Tu dori, ar kū nūsadorboj kasdīnā i breivajā laikā?

L: Leluokūtīs munys kasdīnys daļa saīt ar školu i uopus školys nūdarbeibom, bet vysu lobuok maņ pateik dareit – nikuo!

Bz: Kai ir puorsamainejus dzeive piec īsasaisteišonuos grupā?

L: Dzeive ir mainejušīs, bet īsasaisteišonuos Borowa Mc i vīns nu saistūšajim apstuoklim, kas veicynoņ Munys dzeivis puormainis.

Bz: Voi ir tai kai beji īsadūmuojus? Kū beji īsadūmuojus cytaižuoku?

L: Es nikuo nabeju īsadūmuojus. Lītys ir taidys, kaidys juos ir, deļ kuo maņ nūdarbynuot sovu pruotu ar līkū? Pījamu vysu kai ir i IR labi!

Bz: Kas pateik (pīsadolūt grupā)?

L: Maņ pateik klauseitīs, nūvāruot i pīsadaleit!

Bz: Voi ir bejušs kaidi eipaši breiži ituo goda laikā, kū gribas atsacerēt?

L: Ir taida breineiga „mašyna”, kura spiej apstuodynuot mirkli, i tod mes entuos reizis varom viertīs iz tū mirkli, kas ir fotograpeja. Škirūt fotograpejis arī pīminu kotru koncertu vosorā, par celim iz i nu koncertim, par ībraukšanom „Statoil” benzintankūs, par kuortejim piūšu jūkim i par miegynuojumim. Ar smaidu :)

Bz: Tāņ lyugums Tev pabeigt teikumus!

Vysu leluokais breinums pasaulē ir... Dzeivuot ite i tāņ.

Kod aizveru acs, es... Pilneibā izbaudu eseibys mirkli.

Ka tepot rādā byutu džins, kū taišni tāņ Tu jam pavaicuotu? Vasals! Kai labi īt?

Paļdis!




Vīna nu BODRAP!

Arī Jaunā godā turpynom, kai īsuokušs, i īsapazeistom ar BODRAP bīdrim. Itymā reizē iz vaicuojumim atbīld **Laura Melne!**

BODRAP: Pastuosti par sevi pīcūs vuordūs! Kas pateik, napateik?

Laura: Maņ ir 13 godi, asu nu Rēzeknis rajona, pateik loba muzyka, napateik švaki cylvāki.

BODRAP: Deļ kuo Tev pateik grupa Borowa Mc?



Laura: Kai jī var napatikt! Gūdeigi sokūt maņ pateik vyss, kas ir nu Latgolys. Taidz mozs latgaļu patrioteņš asu!

Laurys nūvieliejums BODRAP bīdrim i puorejim grupys draugim i atbalsteituojim Jaunajā godā: Labi dzeivojot i klausitēs lobu muziku!

Borowa Mc Latvejis Eirodzīsmis Nacionalajā atlasē!

Nui! Taišni tai! Zynomi Latvejis Eirodzīsmis 2008 Nacionaluos atlasis pusfinalisti, kuru vydā ir ari grupa Borowa Mc pīsadolūt Kipam (grupys “Bez PVN” dvēsele). Grupa starteis ar dzīsmi, kas saucuos “The One” i tei saraksteita gon latgalīšu, gon angļu volūduos. Pusfinali tiks demonstreiti 2008. goda 2. febrālī i 9. febrālī LTV 1. Kurā pusfinalā pīsadaleis grupa veļ gon nav zynoms. Vaira informacejis: <http://www.draugiem.lv/brend/?a=/profile/63/>. PS Pačukstīns – gaidi kaidu puorsteigumu nu grupys taišni iz mīlesteibys dīnys svātķim 14. febrālī (tops saisteibā ar Eirovizeji)!



Dzīžam leidza!

Otkon pīduovojom kaidys grupys dzīsmis vuordus. Itymā reizē suokam treneitīs i dzīžam leidza grupys Eirodzīsmis gobolam: **The One!**

Dzeiva tik eisa,
Kai panteņa rynda.
Kotrys rindeņis beiguos
Valku muļķeigu smaidu.

Namaini pret naudu
Mīļesteibu.
Nūzogšu as tovu smaidu,
Īromiešu, nāatdūšu,
Mekļiesi i prasiesi,
Atpakaļ vairs nadabuosi.

Ruodiešu tū dzejnīkim,
Eisūs tyukstūšūs godu
Lai jī breinojās
I vuordus mekļej eistūs;

Bez rozā briļļom
Stuosta puosokys,
Kurom beigys ir biedeigys.
Mes divi lobuok zynuosi,
Kur galaktikā nūzasļāpt.
Ja tuos napītikis,
Tod laimi sirduos mekļāsim.

**Hide your fairs behind my back
Life isn't white, nor it is black.
Billion reasons on my mind
For the life.
'cause you're the one.**

Zeimuļa čierstūņa
Pret papeira lopu.
Cik nagulātys naktys
I malnbolti sapņi,
Kurūs varūņi iz riņķi mainuos –
Šausmu filmys scenārejs.

Tūmār izdūmuošu jaunu dzeivi.
Nabyus cīšonu, ni naida vairs.
Debess maņ tū napīdūs,
Bet tu tik prasiesi - vāļ i vāļ.

Ļīku punktu,
Šuraiz pītikis.

**Hide your fairs behind my back
Life isn't white, nor it is black.
Billion reasons on my mind
For the life.
'cause you're the one.**

Your are the one.
Your are the one.
Your are, you are.

**Hide your fairs behind my back
Life isn't white, nor it is black.
Billion reasons on my mind
For the life.
'cause you're the one.**

Borowys Mc dzīsmis divuos jaunuos izlasēs!

Izguojuse "Superizlase nr.8", kurā Īkļauta grupys dzīsmē "Puseite" (vaira informacejis <http://www.apollo.lv/portal/fun/articles/115811>)
"Latgolys Radejis izlase Nr 1" (par izlasi tika raksteits ari paguojušā BODRAP ziņu laidīnī) kurā Īkļauta dzīsmē, vīns no grupys leluokajim hitim "Maņ navajag" (vaira informacejis <http://www.lakuga.lv/lg/news/article?id=1642>)!



GODA TOPI!

DOREMI.LV

Pyrmū reizi 2007. godā apkūpuots Latvejis puordūtuokūs dzīšmu tops portalā doremi.lv. Storp goda lādātuokajom 100 dzīšmem grupa Borowa Mc Īkļivus ar trejom! Nr. 44 *Vysskaistuokai meitinei*, Nr. 49 – *Puseite* i Nr. 97 *I kod līsmēņa suok dzist!*



Latgolys Radejis GODA TOP 20

Apkūpūti rezultati par vysom Latgolys Radejis Top 20 goda dzīšmem i piec rezultatim (topa kriterejs – nedēļu skaits, kuruos dzīsmē bejuse topa pyrmā vītā!) goda Top 20 Borowa Īkļivus ar divom dzīšmem – 8. vītā ar "Pi Dīveņa gari goldi" (3 nedelis pyrmā vītā) i 19. vītā ar "Puseite" (nedeli pyrmā vītā). Paļdis par atbolstu goda laikā!



APKLAUSA

Turpynom veidot izsaceit sovu variantu par kaidu vaicuojumu saisteibā ar grupu. Paguojušā reizē iz vaicuojumu – Kū grybātu izduovynuot grupai svātkūs, uzvarieja siltys zečis! Carams, ka Zīmyssvātku veceits par tom naazmiersa! :)
Niu – jauns vaicuojums!

Kas Borowa Mc byutu juoizdora Jaunā godā?

- Juosaroksta daudzi šmuku dzīšmu
- Juoīkaroj vysy topi
- Juouzvar Eirovizejī
- Juoizfīlemj veļ kaidis interesns klips
- Juosnīdz daudzi sirsneigu koncertu
- Koč kas lobs

Sovu variantu syuti iz: bodrap@inbox.lv!

KONKURSS!!!

Gribi sovā eipašumā Īgyut šmuku grupys biļdi ar vysim autografim?
Pīsadoli konkursā!

Konkursa aizdavums: eisai uzroksti sovys dūmys par vaicuojumu: **Kū es gribeitu dareit, ka vīnu dīnu varātu pavadeit kūpā ar grupu?** Atbiļdi syuti iz bodrap@inbox.lv. Termeņš – 5.februājs! (Ituos atbiļdis varātu paleidzēt izveidot breineigu BODRAP I grupys pasuokumu, deļ tuo asi aktīvs!)

Nu tod par tū 2008!

Ingars: Lai Jaunajā godā pīteik spāka, veseleibys i iztureibys paveikt vysus Īcerātūs dorbus! Esit laimeigi i smaidīt bižuok!

Aigars: Jaunajā godā naazmierstit tiemēt debesis! Zvaigznis kriss ari 2008. godā i golvonais, lai vīnmār puotā i sirdī byutu kaidis sapneits, kū Īzadūmuotīs. Pīsapildeis!

BODRAP: Paļdis ka bejot kūpā ar myusim tymā 2007 I tod kab Jaunajā natryukst minušu, stunžu i dīnu, kuru deļ grybātūs tai pa eistyn pasmaideit! Lai muzykals i izadevs gods!

Nūtykumu kalendars:

- 16.01. Grupys koncerts Jelgavys Mozojūs kraklūs (ap 24:00)
- 20.01. **SEB Muzykaluos Bankys bolsuošonys nūslāgums!**
- 22.01. Eirodzīsmis klipu fīlmeišona
- 26.01. SEB Muzykaluos Bankys finals
- 2.02. Eirodzīsmis 2008 pyrmīs pusfinals
- 5.02. Konkursa beigu termēš
- 9.02. Eirodzīsmis 2008 ūtrīs pusfinals
- 14.02. Gatavejamīs puorsteigumam! ;)

BOROWYS MC DRAUGU APVĪĪNEĪBA!
Roksti bodrap@inbox.lv!